

CONVENIO DE COLABORACIÓN ENTRE A CONSELLERÍA DE POLÍTICA SOCIAL E A FUNDACIÓN SEMANA VERDE DE GALICIA PARA A ORGANIZACIÓN E O DESENVOLVEMENTO DUN ENCONTRO INFORMÁTICO

En Silleda, a 13 de xuño de 2017

REUNIDOS

Dunha parte, o Sr. D. Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Fundación Semana Verde de Galicia, con NIF G36155208, na súa condición de presidente do Padroado en función da Orde do 9 de xullo de 1991 pola que se clasifica como benéfico-privada a fundación Semana Verde de Galicia.

E doutra, a Consellería de Política Social, e no seu nome e representación o Sr. José Manuel Rey Varela, en virtude do seu cargo de conselleiro de Política Social, para o que foi nomeado polo Decreto 148/2016, do 13 de novembro, no exercicio das facultades que lle confire o artigo 34 da Lei 1/1983, do 22 de febreiro, do normas reguladoras da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991 e de conformidade có establecido no Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e co Decreto 176/2015, do 3 de decembro, polo que se establece a estrutura orgánica da Consellería de Política Social.

Cada un intervéñen en función do seu cargo, no exercicio das facultades que para convir en nome das entidades que representan teñen conferidas, recoñecendo mutua e respectiva competencia e capacidade suficiente para formalizar o presente convenio de colaboración.

EXPOÑEN

Primeiro. Que as administracións públicas poden celebrar convenios de colaboración coas corporacións locais ou con outros entes de dereito público e con persoas físicas ou xurídicas ao abeiro do disposto no artigo 4.1.c) do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público.

Os artigos 7.1 e 2, 10 e 14 da Lei 14/2013, de 26 de decembro, de racionalización do sector público autonómico, recoñece expresamente o convenio de colaboración como instrumento de cooperación entre a administración autonómica e os entes instrumentais que integran o sector público autonómico.

Segundo. Que a Fundación Semana Verde de Galicia é unha institución sen fin de lucro creada no 1991, declarada de interese galego con carácter de fundación do sector público autonómico nos termos recollidos nos artigos 113 e seguintes da Lei 16/2010, de 17 de decembro, de organización e funcionamento da administración xeral e do sector público autonómico de Galicia. A Fundación ten entre os seus fins reforzar a posición estratéxica de Galicia como plataforma feiral para o desenvolvemento de grandes eventos sectoriais de ámbito estatal e internacional.

Terceiro. Que a Consellería de Política Social é o órgano da Xunta de Galicia ao que compete levar a cabo, entre outras, a súa política en materia de xuventude e segundo o disposto no Decreto 177/2016, do 15 de decembro, e no Decreto 176/2015, do 3 de decembro, entre as súas competencias está a de apoio ao desenvolvemento da actividade xuvenil, así como o fomento da participación da xuventude na vida social.

Cuarto. Que a Consellería de Política Social é consciente da importancia que ten brindar á xuventude un marco para que se introduza e afonde na sociedade da información e no manexo das novas tecnoloxías e de que a adaptación aos tempos actuais e de inmediato futuro esixen a utilización sistemática de novas tecnoloxías que se están introducindo masivamente no mundo da

información, polo que é necesario darlle á xuventude a posibilidade de ter un punto de referencia sobre estas tecnoloxías, con presenza dos produtos máis actuais, onde ademais poidan desenvolver e darlle saída a súa creatividade.

Quinto. Que a Fundación Semana Verde de Galicia conta coas instalacións adecuadas para realizar un evento que reúna a máis de 1000 mozos e mozas durante un encontro informático de varios días de duración. Trátase dun espazo caracterizado pola súa amplitude, capacidade, estruturación, clases de dependencias coas que conta e servizos que ofrece e aparcadoiro.

Sexto. Que as partes teñen, como interese común, a promoción de actuacións que contribúan á introdución da sociedade galega en xeral e da xuventude en particular, no mundo das novas tecnoloxías.

Sétimo. Que a organización de actividades lúdicas e culturais vinculadas as novas tecnoloxías teñen unha grande demanda por parte da xuventude galega, que reclama a organización dun novo evento centrado neste aspecto. O encontro será un evento dirixido a xuventude que desexe unha relación máis directa coas novas tecnoloxías nun escenario singular, cunha serie de actividades dinámicas no recinto feiral; un evento multidisciplinar con diversas áreas temáticas que aborde a tecnoloxía dende todas as perspectivas.

Oitavo. Que dado o carácter nominativo da subvención a favor da Fundación Semana Verde de Galicia nos orzamentos xerais da Comunidade Autónoma de Galicia para o ano 2017, non é posible promover a concorrência pública.

Noveno.- Que a Fundación Semana Verde de Galicia presentou unha declaración do conxunto das axudas solicitadas, tanto as aprobadas ou concedidas, como as pendentes de resolución, para este mesmo proxecto e para os mesmos gastos subvencionables, das distintas administracións públicas competentes ou das súas entidades vinculadas ou dependentes ou doutros entes públicos ou privados, estatais ou internacionais; así como unha declaración sobre a concesión de calquera outra axuda minimis recibida durante os dous exercicios fiscais anteriores e durante o exercicio fiscal en curso, de conformidade co artigo 6.1 do Regulamento (UE) nº

1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas minimis.

Décimo.- Que a Fundación Semana Verde de Galicia presentou unha declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma.

Ambas as dúas partes acordan asinar o presente convenio de colaboración de acordo coas seguintes:

CLÁUSULAS

Primeira. Obxecto

O obxecto deste convenio é regular as condicións polas que se rexerá a colaboración entre a Consellería de Política Social e a Fundación Semana Verde de Galicia para a organización e desenvolvemento no ano 2017 dun encontro informático que ten como obxectivo principal ser un punto de encontro e referencia para a xuventude no eido das novas tecnoloxías, combinando actividades educativas, lúdicas e culturais.

Segunda. Crédito orzamentario

A achega financeira ao citado convenio, no que atinxe á Consellería de Política Social, establécese en cincuenta mil euros (50.000 €), con cargo á partida orzamentaria 12.05.313A.443.01 dos orzamentos xerais da Comunidade Autónoma para o ano 2017, para a organización e desenvolvemento por parte da Fundación Semana Verde do encontro informático nas súas instalacións.

Terceira. Compatibilidade de outras axudas e/ou subvencións

Esta subvención é compatible con outras subvencións, axudas, ingresos ou recursos para a mesma finalidade que puidera obter o beneficiario procedentes de calquera Administración ou ente público ou privado, nacional, da Unión Europea ou de organismos internacionais. Non obstante, e en todo caso, o importe global de todas as axudas que se obteñan non poderá superar o custo efectivo da actividade.

Cuarta. Condicións de pago. Xustificación do gasto

1. O aboamento do importe establecido realizarase nun único pagamento, unha vez que o beneficiario xustifique o gasto aplicable ao convenio, mediante a achega de facturas, nóminas, boletíns de cotización á Seguridade Social, documentos de retencións do imposto da renda das persoas físicas e documentos similares.
2. Para estes efectos considerárase como gasto efectuado o efectivamente pagado, é dicir, do que se acredite o seu pagamento mediante extractos ou certificacións bancarias debidamente identificados, selados e asinados polo beneficiario, segundo o establecido no artigo 42º 2. do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
3. Acompañarase unha certificación expedida polo director da Fundación Semana Verde de Galicia, da realización das actividades e o gasto derivado delas.
4. Achegarase, así mesmo, a declaración do conxunto de todas as solicitudes aprobadas ou concedidas así como as pendentes de resolución para este mesmo proxecto e para os mesmos gastos subvencionables das distintas administracións públicas ou de calquera dos seus organismos autónomos, sociedades ou entes públicos ou privados, nacionais, da Unión Europea ou internacionais; a declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma; así como unha declaración sobre a

concesión de calquera outra axuda minimis recibida durante os dous exercicios fiscais anteriores e durante o exercicio fiscal en curso, de conformidade co artigo 6.1 do Regulamento (UE) 1407/2013 da Comisión, do 18 de decembro de 2013.

5. Esta documentación deberá remitirse coa xustificación final e, en todo caso, coa data límite do 30 de novembro de 2017, así como unha declaración responsable nos termos do artigo 11º do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, de estar ao corrente no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma.

Quinta. *Obrigas*

1. A Fundación Semana Verde de Galicia deberá cumprir os requisitos do artigo 10 da Lei 9/2007, do 13 de xuño, que a seguir se relacionan:

- a) Non ter sido condenadas mediante sentenza firme á pena de perda da posibilidade de obter subvencións ou axudas públicas.
- b) Non ter solicitado a declaración de concurso, non ter sido declarados insolventes en ningún procedemento, non ter sido declarados en concurso, salvo que neste tivera adquirido a eficacia dun convenio, non estar suxeitos a intervención xudicial ou ser inhabilitados conforme á Lei concursal, sen que conclúa o período de inhabilitación fixado na sentenza de cualificación do concurso.
- c) Non dar lugar, por causa da que foran declarados culpables, á resolución firme de calquera contrato celebrado coa administración.
- d) Non estar incurso a persoa física, os administradores das sociedades mercantís ou aqueles que ostenten a representación legal doutras persoas xurídicas en algún dos supostos de incompatibilidades que estableza a normativa vixente.

e) Estar ao corrente no cumprimento das obrigas tributarias ou fronte á Seguridade Social ou non ter pendente de pagamento algunha outra débeda coa Administración pública da Comunidade Autónoma nos termos que regulamentariamente se determinen.

f) Non ter a residencia fiscal nun país ou territorio cualificado regulamentariamente como paraíso fiscal.

g) Estar ao corrente de pagamento de obrigas por reintegro de subvencións nos termos que regulamentariamente se determine.

h) Non ter sido sancionado mediante resolución firme coa perda da posibilidade de obter subvencións segundo a presente lei ou a Lei 58/2003, de 17 de decembro, xeral tributaria.

2.Xunto cos requisitos anteriores a Fundación Semana Verde de Galicia debe cumprir as obrigas recollidas no artigo 11 da Lei 9/2007, do 13 de xuño:

a) Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.

b) Xustificar ante o órgano concedente ou a entidade colaboradora, no seu caso, o cumprimento dos requisitos e condicións, así como a realización da actividade e o cumprimento da finalidade que determinen a concesión ou desfrute da subvención.

c) Someterse ás actuacións de comprobación, a efectuar polo órgano concedente ou a entidade colaboradora, no seu caso, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos como estatais ou comunitarios, aportando canta información lle sexa requirida no exercicio das actuacións anteriores.

d) Comunicar ao órgano concedente ou á entidade colaboradora a obtención de outras subvenciones, axudas, ingresos ou recursos que financien as actividades subvencionadas, así como a modificación das circunstancias que tiveran fundamentado a concesión da subvención.

Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.

e) Acreditar con anterioridade a ditarse a proposta de resolución de concesión que se encontra ao corrente no cumprimento das súas obrigas tributarias e fronte á Seguridade Social e que non ten pendente de pago ningunha outra débeda coa Administración pública da Comunidade Autónoma, na forma que se determine regulamentariamente.

f) Dispor dos libros contables, rexistros dilixenciados e demais documentos debidamente auditados nos termos esixidos por la lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvenciones, coa finalidade de garantir o adecuado exercicio das facultades de comprobación e control.

g) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

h) Adoptar as medidas de difusión contidas no apartado 3 do artigo 15 da Lei 9/2007.

i) Proceder ao reintegro dos fondos percibidos nos supostos contemplados no artigo 33 da Lei 9/2007.

3. Así mesmo, deberá subministrar á Consellería de Política Social a información necesaria ao abeiro do disposto no artigo 4 da Lei 1/2016, do 18 de xaneiro, de transparencia e bo goberno.

Sexta. Supervisión e control

A Fundación Semana Verde de Galicia someterase ás actuacións de supervisión e control que, en calquera momento, poidan acordar os servizos competentes da Consellería de Política Social, tanto no relativo á organización e desenvolvemento e organización do evento informático como á súa xestión e tramitación administrativa e documental, realizadas polo persoal designado para o efecto, así como facilitar toda a información que lles sexa requirida pola Intervención Xeral da

Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

Sétima. Modificación

Toda alteración das condicións tidas en conta para a concesión desta axuda, en todo caso a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderán dar lugar á modificación do presente convenio.

Oitava . Relación contractual

A subscrición do convenio non supón relación laboral contractual ou de calquera outro tipo entre os profesionais e os empregados da Fundación Semana Verde que desenvolvan as actividades programadas e a Xunta de Galicia.

Novena. Publicidade

1. A Fundación Semana Verde de Galicia consinte en que se inclúa e faga pública no Rexistro de Axudas, Subvencións e Convenios a achega outorgada por medio do presente convenio, de acordo co establecido na Lei 1/2016, do 18 de xaneiro, de transparencia e bo goberno e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

2. De conformidade coa Lei 38/2003, do 17 de novembro, xeral de subvencións, o instrumento de colaboración e a información sobre a subvención serán comunicados á Base de Datos Nacional de Subvencións (BDNS).

3. A sinatura do convenio leva implícito o consentimento expreso do beneficiario a favor da Administración concedente, para o tratamento necesario dos datos relevantes da axuda concedida e a súa publicidade.

4. En cumprimento do disposto na Lei 1/2016, do 18 de xaneiro, de transparencia e bo goberno, a Consellería de Política Social informará na súa páxina web oficial da subscrición do presente convenio cos seguintes datos básicos: identificación das partes, importe do financiamento, data da sinatura, finalidade e período de vixencia. A sinatura do convenio leva implícita a autorización para o tratamento necesario dos datos e a referida publicidade.

Décima. *Causas de resolución*

1. Serán causas de resolución do presente convenio e procederá, se é o caso, o reintegro total ou parcial da axuda percibida e os xuros de mora xerados dende o momento do seu pagamento, as seguintes:

- a) O incumprimento de calquera das cláusulas establecidas no mesmo.
- b) A aplicación dos fondos outorgados no convenio para fins distintos dos que motivaron a concesión.
- c) A falta de xustificación do emprego das cantidades recibidas.
- d) Os demais supostos previstos no artigo 32 e 33 da Lei 9/2007, do 13 de xuño, de subvencións de Galicia. A tramitación do procedemento de reintegro realizarase de conformidade co disposto no Título II da Lei 9/2007, do 13 de xuño, de subvencións de Galicia e no título V do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

Un décima. *Comisión de seguimento e control*

1. Constitúese unha comisión de seguimento e control, que vai levar a cabo as funcións contempladas no presente convenio e, en especial, as de supervisión e avaliación das actuacións nel recollidas.

2. A comisión estará composta por un representante de cada unha das entidades asinantes do convenio. A referida comisión estará presidida pola persoa titular da Dirección Xeral de Xuventude,

Participación e Voluntariado e actuará como secretario/a un/unha funcionario/a da Dirección Xeral de Xuventude, Participación e Voluntariado.

Décima segunda. *Consentimento para a publicación de datos*

1. As partes asinantes do convenio autorizan que os seus datos persoais e as demais especificación contidas neste convenio poidan ser publicados no Portal de Transparencia e Goberno Aberto.
2. Os datos de carácter persoal dos titulares de expedientes de axudas, subvencións e convenios que consten nos rexistros, estarán protexidos segundo o establecido na Lei orgánica 15/1999, do 13 de decembro, de protección de datos de carácter persoal.

Décima terceira. *Lexislación aplicable. Xurisdición competente*

1. O presente convenio terá carácter administrativo, rexendo os seus efectos polo establecido nas cláusulas do mesmo e, no seu defecto, polo Real decreto lexislativo 3/2011, do 14 de novembro, polo que se aproba o texto refundido da Lei de Contratos do Sector Público, para resolver as dúbidas e lagoas que poidan xurdir, así como no que lle sexa aplicable polo Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, na Lei 38/2003, do 17 de novembro, xeral de subvencións e na Lei 9/2007, do 13 de xuño, o Decreto 11/2009, do 8 de xaneiro, e a Lei 40/2015, do 1 de outubro, do réxime xurídico do sector público.
2. Esta axuda ampárase no Regulamento (UE) nº 1407/2013 da Comisión, do 18 de decembro de 2013.
3. No presente convenio de colaboración correspóndelle á Consellería de Política Social, a prerrogativa de interpretación do mesmo e resolver as dúbidas que xurdan sobre o seu cumprimento, sendo os acordos adoptados neste caso inmediatamente executivos.

4. As cuestións litixiosas xurdidas sobre a interpretación, modificación, resolución e efectos do presente convenio de colaboración serán resoltas polo conselleiro de Política Social, poñendo os seus acordos fin á vía administrativa, que poderán ser recorridos potestativamente en reposición ante o mesmo órgano que os ditara ou ser impugnados directamente ante a orde xurisdiccional contencioso administrativa, segundo o disposto na Lei 29/1998, do 13 de xullo, reguladora da xurisdición contencioso administrativa. Para estes efectos o Tribunal competente será o Tribunal Superior de Xustiza de Galicia.

Décimo cuarta. *Vixencia*

A vixencia do presente convenio de colaboración estenderase dende a data da súa sinatura ata o 30 de novembro do 2017, non sendo susceptible de prórroga. Non obstante, e dada a súa finalidade poderán subvencionarse con cargo ao mesmo, gastos relacionados directamente coa organización do evento dende o 1 de xaneiro de 2017.

En proba de conformidade, asinan o presente convenio de colaboración por triplicado exemplar no lugar e data indicados no encabezamento.

O Vicepresidente e conselleiro de
Presidencia, AAPP e Xustiza
Presidente do Padroado da Fundación
Semana Verde de Galicia

O conselleiro de Política Social

Alfonso Rueda Valenzuela

José Manuel Rey Varela